



新安先集
二十卷



同治十三年
夏鑄于蘇州
高心夔謹署



序

余家與當湖朱氏結文字緣百數十年於茲矣自乾隆戊午先大父理搆公與浚谷先生同舉於鄉是爲年誼之始其後嘉慶庚申迄道光辛卯兩家科名繼起棊堂先生與家兄輩同官京師最久交誼尤篤棊翁晚年彙其家傳詩稿刻爲新安先集文章政事卓然可傳益歎朱氏清芬世德不僅以科名相焜耀也咸豐之季海內騷稿亦旋燬東南枝平竹石郡丞服官江左取其先集畧加增訂重付剞劂以余兩家累世交契近復申以姻好屬序簡端余老矣藥爐經卷外槩不縈懷及覩是刻恍然如遇故人諷誦久之不禁動人興觀之思夫立德立功立言謂之不朽詩又言之緒餘

新安先集序

然以之道政事見性情備輜軒之采擇和聲鳴盛傳於無窮不重有賴於斯哉猶憶棊翁敷歷中外迄蒼疴京邸數十年間與余諸兄文讌贈答往還無間迨山泉觀察淮徐世德豐功在人耳目先集之刻一成於淮陰再續於袁浦竹石恪承聰訓綿先澤以廣流傳他時繼繼繩繩必更有進於是者深爲竹石頌禱也錢唐許乃釗序

敘

咸豐初元余與平湖朱山泉都憲同官袁浦往來甚稔嘗見其裒輯先世詩刻爲新安先集心偉異之版旋燬於兵今令子竹石郡丞復爲重輯以新刻本寄蜀且曰公於先子相待頗不薄伯父與公又鄉舉同譜茲幸重刻告成敢以序請余受而讀之乃歎朱氏繼述多賢而世澤流貽者遠也夫詩有六義諷諭以定指雅頌以正辭從其質之所至而學至焉而身世之遇合運會之遷流微吟咏思有心人讀之忠孝之思油然而出詩顧小道乎哉新安一編作者彬彬香南浚谷兩先生紬書中秘雍容鳴盛談藝者宗之而春橋茶堂兩先生尤爲時推重春橋草堂集繇密雋永取法金風

新安先集敘

一

亭長得風詩之遺茶馨館詩如金鍾大呂洪響一振萬籟俱寂至其咏古銅器諸作大類翁氏復初齋閱嘗論之春橋名家茶堂則大家也至如史山樵唱之興懷明發輾轉寤歌似山堂集之軫恤民瘼喻情挹指抑何其藹然肫篤也蓋其得於天性者厚而家教之美闇脩之勤悉於是流露也朱氏家世固不僅以風雅顯吾知言風雅者必將於是取資已余與子良爲鄉舉同歲生而山泉又同官舊好循繹遺編陳迹具在回思曩日者與山泉羣從載酒嬉游長吟慨歎宛然若前日事而余以轉徙之軀爲諸君題記蓋忽忽一世不自覺日月之逾邁也竹石以佳子弟官蘇州郡丞克勤職守睠念先澤思廣其傳會舊德誦清芬蓋非獨朱氏一家光也

余故誦其詩而樂爲之序盱眙吳棠

新安先集敘

二

先大父嘗訓爲弼曰詩不可刻刻則欲改實難爲弼自乾隆丙午以後日侍左右見所作詩甚多然隨作隨棄嗛然以爲不足存也越四年己酉大父棄養爰哀集遺詩凡三卷其一二卷皆蜀中作乃先府君省覲時錄歸者三卷還鄉後作則爲弼所抄存也乞武進趙味孚先生選定藏之行笈有年矣京宦貧久未付梓今爲弼年將六旬先大父捐館舍已四十二年矣敬維往訓欲改未由若不壽之黎棗恐後無傳焉嗚呼先大父一生孝友事實爲弼已敬撰行狀至詩古文詞多闕佚所存者廬此傷已道矣十年庚寅長至日孫男爲弼謹識

新安先集

序

一

先伯父侍郎公於道究十季刊先曾伯祖春明吟稿一卷香南詩
草四卷先曾祖史山樵唱三卷先祖雲谷書堂詩二卷都爲新安
先集尙需勘讎印本甚匙十五季轉漕北上載版以行輒致散失
善張懼先美弗傳無以明著後世謹就舊印本詳校付刊適伯兄
建卿以先伯祖竹窗吟卷寄示蓋近季始蒐得于揚州汪伯堅外
兄處者因將先君西江吟草謹校并刊先君先有似山堂集之刻
視西江吟草爲多侍郎公蕉聲館詩集廿八季刻十六卷文集九
卷今亦已刻成餘俟載輯與先君別稿續刊分帙行世展茲先集
所存僅此侍郎公夙抱微佚之憾善張重刊云藏固亦疚心于未
能廣蒐增入而卷中詩偶有疑似及先人欲改未定之艸皆從緩

新安先集

序

刻猶秉侍郎公述曾祖詩不可刻刻則欲改實難之遺訓不敢不
慎也咸豐二年三月善張謹識

凡例

一新安先集道光乙未歲先伯祖侍郎公刻於淮陰咸豐辛亥先君總憲公復刻於袁浦嗣遭兵燹先集版片散亡殆盡之橋竊不自揆思欲整齊廢墜重付剞劂將先世各集彙為一編而作者甚眾不敢妄為去取乃斷自

昭代為始然我新安朱氏即自

國朝二百數十年來能詩者不知凡幾搜輯編錄亦非易事又斷自遷浙一支為限以示淵源有所自耳

一是集體例較前刻微有不同兼附小傳本之兩浙輜軒錄其未為輜軒錄所輯者則取諸家詩話序記題跋暨志乘家傳

新安先集 凡例

一

墓志等類其或事遠而無可纂錄者闕之不敢一字出於杜撰也

一是集先世所會刻者悉遵原定而歸併其卷目如增入之春

橋草堂棠馨館集本有專集行世各按選本授梓此外或止

一二殘篇各依世次刊附乃援以詩存人之例當先世兩次

刊時原曰待搜輯成卷補刻今值離亂之餘蒐訪更難之榛

夙誦清芬淡懼勿彰故是役不暇求其精也

一是集凡二十有二家為卷二十以世次排分先君及諸伯叔

詩刊列於後仍名為新安先集論先輩作者所逸尚多今僅

就書篋所存世父國教公鈔輯之本錄付手民尚冀同支昆

弟廣收博采以竟先志以補之榛之未逮幸甚幸甚之榛謹識

新安先集
凡例

新安先集目錄

卷第一

朱昌周

詩二首

朱昌緒

詩二首

朱明儀

詩九首

卷第二

朱蔚

詩二十四首

朱荃

詩一百三十九首

卷第三

朱履端

詩五首

新安先集目錄

朱英

詩一百三十七首

卷第四

朱方藹

詩一百五十一首

卷第五

朱方藹

詩四十七首

卷第六

朱方藹

詩一百九首

卷第七

朱方藹

詩六十三首

卷第八

朱鴻猷 詩一百二十三首

卷第九

朱鴻旭 詩三十九首

朱維諧 詩三首

朱鴻愷 詩五首

朱鴻盛 詩六首

卷第十

朱爲弼 詩六十五首

卷第十一

朱爲弼 詩五十一首

新安先集目錄

卷第十二

朱爲弼 詩六十八首

卷第十三

朱爲弼 詩一百六首

卷第十四

朱爲弼 詩八十七首

卷第十五

朱爲弼 詩二百五首

六補遺

卷第十六

朱爲霖 詩一百六十四首

卷第十七

朱爲霖

樂府一百首

卷第十八

朱爲燮

詩二百八十一首

朱本晉

詩二十二首

卷第十九

朱善旂

詩三十二首

朱善驥

詩五首

卷第二十

朱善張

詩三十二首

新安先集目錄

朱善鳳

詩八首

朱善寶

詩一首

新安先集卷第一

朱昌周

茶院公二十六世孫字輩姬號東泉安徽休甯縣貢生考選知縣

月潭朱氏家傳略曰東泉同弟昌緒奉父遺命輸資於始祖茶院公家廟置屯市榆林巷口行屋取租為祀費至今猶賴之

陳鴻壽題東泉先生畫竹便面 子調客瀨上四年矣偶於市中得其先高祖東泉先生畫竹便面驚喜欲狂裝池成卷持以示余即以畫論筆如屈鐵瘦勁入神不特先世之遺澤為可寶也因檢春橋公吳門雜咏有云先祖曾居破楚門東皋舊宅已無存當年萬軸牙籤富嘗接周徐共討論自註先文林公會居閩門東皋草堂藏書甚富周謂忠介公子子佩徐字昭法隱居天池山皆遺老也余世母為先生曾孫女不辭詭譏為子調題記如右倉舊德而誦清芬子調其勉之哉

己未之冬余歸故里青望正謁選北上潭畔艤舟相對愔別

招賀子天山同飲於尋園之聽閣

新安先集卷一

吳越頻年汗漫游何如松菊故園秋我來正值東山起君去翻為北海留到百潺湲溪上確當窗浙瀝竹邊樓白雲望斷難回首哀雁愁間渡遠洲

薜蘿溪處隱柴荆南面圖書擁百城九里香開三月雪一溪湍激四時聲游魚避客潛依藻馴鳥親人自啄英為問河陽新雨露種花應繫故園情

朱昌緒

東皋公弟字駿文號續庵安徽休甯縣人順治己亥拔貢歷官湖廣武昌府知府

先高叔祖續庵公康熙年間曾任湖北武昌太守家藏遺墨甚多此幅自先大夫見背為人取去歲庚辰嘉善族姪奎耀購得寄都下因重加裝潢又十年前黃岡大令陸遂村五兄

來都門見之曰可摹勒二賦堂因手摹以贖道光十年庚寅

秋四世孫為弼謹識

赤壁二賦堂謁蘇文忠公像

自公謫黃州名高未熄謗山水恣流連文章益奔放虛堂師偃息
臨軒時眺望赤壁倚江濱奇突不一狀載酒前後游與客互答唱
揮毫兩賦成格調自特創雖非公大文氣亦見跌宕至今數百年
誦讀家相尙我來值孟冬萬象含悽愴江山盡改觀陵谷幾消長
二賦獨巋然軒楹榭石傍坐公於其中風流固蕪恙當時如公者
泯沒無與抗極目江濤生西風答悲壯

朱明儀

東皋公子字羽采號省齋歲貢生候選內閣中書始由安徽休甯遷浙江桐鄉縣

李廷輝桐鄉縣志義行傳朱明儀字羽采號省齋貢生事母孝母性嚴稱拂意輒長跪謝罪不命之起不敢起家纓豐好施與人以緩急告千金無吝色坐是家中落然偶有所入必分贍戚族之貧乏者人以節齋勸則曰與其積財於子孫

新安先集卷一

二

何如積陰德於子孫乎子入人荃履端皆入詞林

月潭八景

有序

余來浙江已二十餘載回憶故鄉八景時存心目間各紀一律不忘釣遊之意也

春暮柳成陰緡蠻弄好音紅篩千縷日黃落一鉤金宛轉調簧舌

遲回正苦吟攜柑思古督起我故園心

柳隄鳴鶯

新霽高巒矗神遊協壯心峰迴松屈曲嶺壓石峒嵌入畫情猶悵

扶筇興定淡何年重住此結屋好鳴琴

松后晴嵐

童時遊釣處煙雨一臺孤勝地流風盡高名絕世無絲緡真愜意

蓑笠信難圖堪笑嚴灘安羊裘畏熱夫

釣臺煙雨

礮石立如門山高飛瀑奔溪千尺漲入夜萬尋喧驚練臂人目

吼雷昏海瞰縱觀何伎似結契默忘言

石門瀑漲

秋月白于練澄潭倍覺明蟾蜍失脚星漢倒懸泓何日方移棹

此時擬弄笙故鄉思浩浩一葦倩誰迎

澄潭印月

兩山誇勝景屏石立秋風遠嘯千般翠淡秋一抹紅僧歸新雨後

鳥語夕陽中夏聽鐘聲度怡情萬籟空

南屏疊翠

向晚西山眺寒煙漠漠橫犢驅紅蓼岸童吹白鋤笙雁陣驚寒唳

楓林落葉聲畫圖如可入頓令俗塵清

西山晚煙

鉅峰何潔白昨夜雪飛花種玉千嵐合凍雲一片遮路迷板子徑

門閉高人家入目真堪賞開圖望眼賒

玉峰積雪

新安先生集卷一

三

讀外舅汪碧巢先生裘村樓遺集有感

憶昔來之江孔李始通謁公之令祖賓齋先生與先世有舊誼一見遽獎許目我具

風骨我時咏關雎有女允申結夏增問字緣六藝奧可擷及我試

長安公亦判西粵鍛羽嘆春明公政正奇絕縱有尺綵傳十載嘗

契濶考最轉司農髮星齒未豁急流賦歸與丹槩事屹屹時共潛

采翁選詩飛玉屑一朝風淒其哲人優承該那堪問彼蒼舉酒爲

公輟公文如昌黎纂述無勦說我媿李習之讎校心徒切賴有後

起賢恬村堂構傳衣益感知我未報掩卷長嗚咽

新安先集卷第二

朱

蔚省齋公長子字西穆號霞山桐鄉縣副貢

兩浙輶軒錄鮑廷博曰西穆工詩文與杭堇浦厲樊榭諸君齊名年甫四十而卒遺藁散佚僅存春明吟葉一卷乃赴北

蘭時

沈文憲歸愚集送朱霞山南還序 朱子霞山浙之詩人也

寓居西湖之東隅去孤山稍遠去斷橋不數武過者知為詩

人廬也歲乙卯應京兆試來京師以樸學不利於時無所遇

將南還同人作詩送之每偃偁其作合之難而望其收後效

也試經行其地孤山斷橋林處士棲遲往還所也由斷橋而

北為葛嶺其下賈師相後樂園遺址也沿緣而北近西泠橋

賈氏水竹林在焉計一時之盛宏足以牢籠天下而輕處士

輩如無有者今穢辱之固孰得而孰失也霞山歸鍵戶讀書

益勤由其所歷飫而勵其所未能予并不敢以詩人目之也

然霞山而果能游乎六藝之府轡乎道德之塗則所以得名

新安先集卷二

位而宅之者應
必有道也已

題仇英畫冊八首

蘇武牧羊

皓首孤臣在牧羊青海濱塞草年年碧辛苦無冬春惟應漢宮月

流照未歸人

嚴光垂釣

一笑謝故人持竿富春去高臺面江流煙嵐自昏曙悠悠千載心

空傳釣魚處

淵明抱琴

陶公歸栗里山水寄遙情呼兒抱枯桐隨意林閑行希聲闕終古

相賞在孤清

木蘭從軍

躍馬佩雙韉飛度黃河北但欲晉爺征紅顏亦何惜朔風吹鐵衣
邊月幾回白

孫登長嘯

蘇門古仙伯息影謝紛擾對客非無言相賞在象表迥然鸞鳳音
此意知者少

浩然尋詩

幽逕絕塵跡疏雪冷苔枝寂寥天宇靜中有無聲詩清吟日將夕
扶杖獨歸遲

新安先集卷二

二

陸羽采茶

春風社前至一徑石花生高人嗜成癖盡日攜筐行白雲溼芒屨
歸去有餘情

林逋揆梅

湖煙曉未收花鬢泛春露杖藜隨所適水石亦成趣時有清風來
寂寞幾株樹

雨中懷姚大玉裁

春風吹雨來絲絲溼簾幕客居易爲感卽事更蕭索言念同心人
讀書隱岩壑屋繞泉流清門對峯影削夙昔夢見之清吟共高閣
更會果何時雲煙紛漠漠

題徐容谿楓林晚照圖

天高莽蕭瑟
值此煙景暮
風葉舞殘紅
招人向山路
流泉隨曲折
幽賞愜所遇
小坐澹忘歸
斜陽在澗樹

送王副使仲山之秦中

匣中寶劍夜有聲
蕭蕭斑馬門前鳴
天明未明出門去
春風吹度平涼城
平涼城北青青樹
舊是使君停騎處
辛勤頭白去還來
歲月蒼茫感行路
丈夫本是樂長征
千載須標麟閣名
可憐苦被儒冠誤
不得從君萬里行

閩雁

虛堂月色靜
眾籟寒無聲
一雁自南來
杳杳空中鳴
哀音時斷續

新安先集卷二

三

隻影過高城
伫望渺何處
悠悠感我情

題王十一敬朗損疾齋壁

心安疾已遣
一室澹清終
日塊然坐
有時還獨行
靜中見疇昔
擾擾空勞生
大藥無由得
沖襟長自盈

送龔明水之官甘泉

仙令淮南去
孤裝一葉輕
春風揚子渡
殘雪廣陵城
繞閣梅花白
垂簾月影清
西堂公事少
午夜有琴聲

送田彥威假還德州

長風吹薄暮
官路斷人行
一騎衝寒去
千峯落照明
空林餘積雪
歸鳥度荒城
想到家園日
西湖春水生

大明湖一名西湖

送沈十九孟安歸里

短亭愁聽渡江吟，柳絮蕭疏暈夕陰。
世路茫茫雙白眼，天涯落落一青襟。
灰心已盡華筵燭，妙手休誇綠綺琴。
憶得南湖煙樹好，相思涼月夢中尋。

同田水部彥威符民部幼魯王上舍載揚汪儀部雅南劉貢

士畊南陳監倉佩田沈上舍荻林吳五經大春陳員外學
田張秀才少儀舍弟子年集飲分賦

酒人風致盡翩翩，秉燭欣同午夜筵。
此會僂應鄉國少，他時好作畫圖傳。
樽前舊雨兼今雨，簾外朝煙又夕煙。
流轉年光須共惜，清吟催付浣花箋。

新安先集卷二

四

秋夜聞笛寄史大位存

桐葉飄殘斷客魂，隔牆橫笛又黃昏。
牛鉤涼月吐林杪，遲子不來空倚門。

送汪孝廉師厚歸新安

西風一路雁初飛，寒日多情照客衣。
吳北燕南休道遠，昨宵先爾夢中歸。

唐編修南軒過訪話舊

三年憎別武林秋，雲樹江鴻黯客舟。
今日燕臺復相見，一甌春雪話離愁。

送嚴吉士十區假還杭州一首

蘆溝晚色送吟鞍風雜驚沙刮面寒到及西湖春正好段家橋畔雪初殘

一鐙風雨感年華客久情翻怕憶家惟得臨歧忽惆悵梅花消息隔天涯

送杭二大宗南歸

意氣旋從難後平送君此日倍關情并梧飄落隨人意記取新涼

第一聲

玉河衰柳影鬢移馬上離情落照酣此去故園休悵望秋風秋雨

滿江南

朱

荃

省齋公次子字子年號香南桐鄉縣附生乾隆丁巳試博學鴻詞授翰林院編修南書房行走著香南詩鈔

新安先集卷二

五

郭麐靈芬館詩話 宋香南先生曩乾隆丙辰詞科與董浦

椒園諸先生同徵交善酬唱甚多後以家難零落散佚其從

孫芥堂兵部於趙味辛先生處鈔得數十首蓋千百中之十

一曰芥堂弟理堂出以見示為摘數首清明送人云送春天

氣只如秋渺渺津亭望去舟三疊吳歌數行淚澹紅香白一

時愁竹溪觀奕圖云藥鑪茶臼足清澗紙上輸贏盡耐看滿

地松陰人語寂鶴翎吹墮斤碁盤秀觀爭欲俗入角料

飛勢未休同罷推枰還一笑看人得意替人愁他如書懷云

空題遠信憑黃耳已有違言到白鷗咏玉蘭云誰招

羣玉山頭月流照臨春閣裏人風華蘊藉略見一斑

第淚痕衫

胡昌基后瀨山房詩話 先生天才卓越少負盛名為諸生

時制府嵇公極引重之會舉山林積學之士嵇公特為疏薦

列二等第一授編修旋視學蜀中以丁內艱歸舟過

瞿塘灘瀕間掀篷眺月悲歌喚咽醉後失足墮水卒

李富孫鶴徵後錄 香南奉使視學四川為人所劾遂棄官

走連繫家屬其弟拘囹圄累年莫可踪跡後竟不知所終矣

隨園詩話云朱香南子年分校禮闈有句云寄語羣公高著

眼青衫明日泪痕多余甲子分校亦有句云帶入秋闈示同

西溪山莊分詠七首

古香亭

山石太古色山泉太古音山亭小於筮宴坐梅花林時有好風來
泠泠鳴玉琴

來鳳軒

吾家古桐村池水曾浴鳳誰移碧玉條盡向軒墀種疏雨響溪
潭滴破還鄉夢

雲心閣

閒來結跏坐百尺臨潛淵金牀奠古鼎微微吐青煙覓心了不得
白雲長在天

新安先集卷二

六

撚花書屋

結屋隱山翠茶煙散林樾夜淡人不來寂寂香發俯首弄花枝
空庭見殘月

曳霞軒

野塘秋水多磐石坐忘反倒景入西牕依依夕陽晚隔水曳殘紅
餘霞白舒卷

梅源

春雨半篙碧前山淡幾重偶隨溪岸轉忽與梅花逢低頭照清泚
喜睹冰雪容

水流雲在

相送柴門外扁舟何所之身隨流水遠意與孤雲遲去去莫惆悵
青山有後期

自板橋關放舟至河渚

谿橋霜未晞谿花露猶泫谿禽喚客起孤篷逐山轉是時春雨餘
鳴泉赴修阪風鱗激之而后髮寫清淺坡陀三百曲隨地足游行
但覺暗香親不知舟去遠平生邱壑志佳遊每念反況有萬玉妃
目成意繾綣山田薄可耕胡為慕顯山蔬淡可茹胡為樂肥腆
盟言指谿水斯約會當踐谿樓許俗居香茅不須翦時光祿張公
要余山莊讀
書故云

同沈三默夫李二坤四自古梅菴步過藕香橋小憩雪崖而

新安先集卷二

七

歸

春山嵐氣重際曉溼雲斂人行空翠來衣上綠於染山南面重湖
百頃水光激茲峯橫截之中斷若分陝同遊二三子心夷忘路險
得得度平岡行行入重隳山家列屋居結構類岩戶茶煙出淡竹
門靜晝長掩過橋聞暗香幽蘭蔽叢蘚亦有野梅開紺蝶飛并并
微風一披拂緣谿落紅點驅犢負耒歸見客絕崖檢不比乞食僧
寒溫語多詔繞蒼竹萬箇青青圭去玷以此代耕桑凶歲不知儉
惜哉簫笛材終然供剡草木有本心勁節無少貶林中暫栖止
悵若鳳在笄更進趙州茶昏慮豁夢麗清磬出東林斜日在西崦
山中不可畱去去意猶慊迴頭煙霧生原陸光掩晦何以識歸途

前村酒旗閃

二月八日南湖道中呈同舟諸老

畫舫乘春水空林澹夕陽浦寒花信晚天闊雁聲長話舊時開卷

小庄顧先生出示京師諸故人吟卷

臨風對舉鵬望中澳舍近吾意在滄浪

山中梅尙未開同人命作詩催之

問訊西園樹幽尋可後期到來芳草遍望去白雲遲顧影猶憐汝
含情欲待誰春風回一笑先索向南枝

題李醒菴風雪入關圖

依舊關山路同雲四合時戍寒人語寂沙凍馬行遲往復知天道
初終荷

新安先集卷二

八

聖慈十年鄉夢裏心折大刀詩

湖上送家兄入都

幽鳥喚春春又闌六橋煙柳簇征鞍客途再到悲歡異樽酒相逢
去住難五夜雞聲驚昨夢連朝花信成輕寒停鞭不盡蟬聯語回
首高城夕照殘

孤山題壁

湖光淡處石欄斜小樣山亭俯闌沙芳草白雲高土墓杏花紅雨
野人家尋僧路入梅子樹放鶴舟歸水一涯有客行吟忘日暮隔
林嘯煞未栖鴉

題西溪山莊奉呈光祿張公

溪光分占武林春，雪榭風廊位置均。
千樹梅花新活計，十年粉署舊勞臣。
著書歲月光前哲，調鼎功名付後人。
臥對東山看未厭，不須絲竹後堂陳。

雁齒紅橋接柳塘，杖藜隨處足相羊。
人行畫裏須髯古，客到花前笑語香。
淨埽苔痕延布席，遙傳鳥語勸飛觴。
佳遊永日應忘倦，寂歷松陰轉石牀。

匡牀襪被鎮長攜，午夜詩成刻燭題。
月色難分池上下，花陰不辨路東西。
亂泉赴壑千巖響，修竹吟風萬箇齊。
百尺樓頭容俗臥，未妨長日醉如泥。

疏簾漠漠轍鑪芬，一榻蕭然臥夕曛。
報

新安先集卷二

九

國有心還望歲登，樓無事但看雲清齋。
午盃分奠倉轍步南池，頌鶴羣要識滄洲無盡意。
數聲風笛隔溪聞。

喜雨七律二首

省試詞科作

芳塍漠漠水潺潺，雲絮低飄向未還。
幾處桔槔眠斷壠，有人蓑笠出前灣。
波光窈窕沖融裏，樹色萋迷香靄閒。
十里湖隄金碧畫，一時都作米家山。

雨腳斜飛比散絲，圓漚點點起清池。
勢非破塊長連夜，聲不傾盆喜及時。
入戶枝低紅半溼，捎簷竹暗翠潛滋。
秋成早卜宜稼稼，好誦和風綠野詩。

梅花

東風催放一枝新管領江南歲歲春
箇裏關山愁對月水邊籬落
不逢人寄來端合冰甌貯看去
惟宜刪戶鄰宋苑舊誇宮樣好
莫因刻畫損天真

脈脈春愁祇自知慣依修竹蔭
茅茨花開一夜相思裏雪滿千山
獨臥時瘦影橫窗人寂寂寒香
入枕夢遲遲南朝金粉飄零盡腸
斷何郎五字詩

愛倚孤芳伴苦吟廣庭風露警
皋禽三夏恍對吳姬面千載能傳
處士心羅帳薄寒空曉夢后橋
流水澹春陰琴中賀若筵能寫寂
寞何人爲賞音

西湖

新安先集卷二

十

十八鬟高落鏡中波光雲影看
來同柳條斜拂鴨頭綠桃靨笑
依人面紅舊事淒涼春燕語新
年容易棟花風夕陽又聽鐘聲
起金碧樓臺在半空

湖上送西籜兄入都

幾處疏鐘暮靄微夕陽依約戀
漁磯傷心人是春江雁開過梅
花瘦北飛

晚步思古橋至吳家埠口

過橋十里曳風篁翠靄遙分
辟藜牆未晚人家門戶閉山
南山北

焙茶香

溪石樵牙落漲痕倪黃畫格
向誰論淺沙人立橫橋渡斜
日鴉歸

獨樹村

蘆菴僧燒筍爲供拈偈示之

林下來尋玉版師清泉白石共心期
溪參五味原無味瓠子冬瓜那得知

湖樓春望

春山歷歷寫修眉初日湖煙隱半規
一帶紅樓多未啟東風無力綠楊垂

題竹谿觀奔圖

消暑惟消一局棋日高長是閉門時
二分修竹三分水沒馬黃塵總不知

新安先集卷二

七

藥鑪茶白足清歡紙上輸贏儘耐看
滿地松陰人語寂鶴翎吹墮石碁盤

旁觀爭欲僭前籌八角斜飛勢未休
局罷推枰還一笑看人得意晉人愁

泉石端宜入畫圖閒身風月未曾孤
鯁生別有乘除偈許向燕公舉示無

臨流草堂曉起對雨

髣髴牽船上居疏簾小閣映清渠
前山昨夜風雨急滿地落花人打魚

閣工垣曹公疏草感賦

梧垣一疏達形塈芳草春風滿謝池白屋有人潛制淚拜官嗟爾
十年遲

題朗軒哭子詩後

西湖邊痛後之子夏傷情客久提攜少家貧療治輕絲蛛遺藥裏
書盡落松棚觸目成悲緒長篇制淚成

寄懷儲上舍長源

之子不相識偶然諧縈心淪淪流水意寄此孤桐琴琴亦不可鼓
人亦不可覩春潮昨夜滾愁心向南浦

三月三日臨平道中見山家老梅尙開感賦

山塘寒食近寂寞見梅花物外春長在人閒日易斜泉聲三徑雨

新安先集卷二

三

竹色幾人家小隱何年事空勞感歲華

嘉禾道中送家兄淡文弟端叔北行

落帆亭外柳歲歲送征鞍遠道逢迎少貧家去住難未謀田二頃
長閉屋三間誰解綈袍贈江南尙薄寒

和顧小厓憶梅之作

疏影依然在空山日正長年華自流轉芳信爲誰忙千樹彩雲截
一溪春水香霜天聞曉角悽斷驛樓霜

蝴蝶淡淡見芳塵想像中流連三月暮寂寞五夏風洛浦人初去
江南使未通迴腸比溪水百折到牆東

題叵友吳士舍繼光詩卷

僕指題襟集如君雅不羣
瞳神翦秋水詩態靄春雲
落葉沈吟久
殘鐙歎息間一編時在手
露重滴宵分

不寢聞瑛語清宵寄恨長
小庭風葉靜竹井石苔荒
在野聲何急

懷人意未忘
鮑家詩句好
今夜轉淒涼

集中間瑛詩最佳予與敬明每以吳秋瑛呼之

際曉鉤簾望蒼蒼
九點煙吟魂渺何處
吾意向誰傳
洩計思歸里

無心更擘箋
天涯詩侶在

謂廣雨載揚敬明

休汎泖湖船

題小遊仙圖

小步溪頭月正中
憺無靈鵲跨橋通
霜楓零落隨流水
錯認桃源幾片紅

桂魄高懸霧色開
清光一片照莓苔
姮娥未必無情者
竊藥何妨

新安先集卷二

三

下界來

題耕山圖

谿山深處斷塵緣
短褐隨身笠覆肩
盼得一犁春雨足
良苗青徧十稜田

只恐文章誤此生
且隨農圃課陰晴
長鏡三尺如攜手
我願從君約耦耕

不因謀食事春耕
爲愛谿山景最清
水色嵐光盈隴畔
拋鋤閒看

白雲生

農家事業寄身優
筮勝生涯老斫田
短笠長鋤瀟灑甚
稻花香裏

話豐年

雨後樂山樓卽事

雲絮高飛薄未還萬條 碧護柴關松榭草伏丁東水鳥外煙開
辣闌山抱甕正欣春耐綠沿籬新長石苔斑靜中彷彿聞渙唱知
是滄洲第幾灣

和桐山師相偶然作原韻

東閣香凝迴絕塵法王偶現宰官身性情自領清閑福功業原歸
蘊藉人興適雲山應夏好機忘魚鳥亦相親由來至道超喧寂底
用澄江理釣綸

七月廿二日同翼堂編修過慕齋修撰寓居小飲和韻二首

槐榭一徑野煙微過雨沙塵淨不飛門外客隨秋色至樹頭雅帶

新安先集卷二

古

夕陽歸調高自識知音寡情在何嫌見面稀竟坐匡牀呼貰酒粗
豪君慣怨忘機

客夢那禁落葉催故園幾度長荒苔關心歲月看詩卷隨分行藏
付酒杯翳樹寒蟬鳴復咽戀叢病蝶去還來風光流轉尋常事且
博酡顏一笑開

清明前一日送史大位存歸里

送春天氣只如秋渺渺津亭望去舟三疊吳歌數行淚淡紅香白
一時愁

水仙王曲

白沙隄春草齊藉春草坐翁媪巾拂參毳皆少年哀絲豪竹揚遠

天安歌踏節迎水仙水仙來菊挾兩龍子歸邊一片雲十日雨不
止

寄史二衍存

溪樹鳥鳴春花滿四鄰偶於行樂地憶爾獨吟人臥閣風吹面
看山雨墊巾瑤華如可寄應及采蘭辰

陶然亭納涼以江邊松篁多人家簾櫳清二句分韻得清字
不耐塵勞觸熱行此閒人地喜雙清水田涼鷺幾回下庭樹晚蟬
時自鳴雲起忽添峯一角日長偏戀屋三楹無端喚起江南夢吹
得菰蒲作雨聲

方鏡次杭大宗同年韻

新安先集卷二

五

頁金出範巧因方百鍊功溪露角芒漆匣盛來剛帖妥鉅屏嵌處
爛輝光蒼神未泐千年字活水平開半畝塘長喜鑿形明又定可
教寶羽暫分張

按來列宿各依方煜煜星精正耀芒篆刻雲雷周四角文成龍虎

向三光古鏡銘左龍右虎向三光開險乍認金花硯倚檻如臨玉水塘不用千

秋陳寶籙居然風度曲江張

玉斧修成月一方唐人詩一方明月可中庭慣從扶寸發寒芒當窗正補冰紗

格鎮紙全遮竹筵光眼亂空花盈丈室心依止水湛迴塘人閒脂

粉泪都盡相對何勞膽輒張

底礪常將德比方不合塵土翳星芒逢人自欠團團面弔影頻窺

灑灑光一夜霜花凝玉砌幾家秋思落銀塘也知萬事棋棧好當
境妍媸漫主張

咏方鏡後意別有感再疊前韻四首

物性由來忌直方中裁尺幅爲韜陸魯望詩愛閒已兆輪生角陸魯望詩
輪一夜梯顯休占地有光露溼涼蟾依畫檻天澄秋水冷金塘
生四角中賀曲分明在好趁蒲帆一道張

洪鈞鼓物自成方氣燭長虹比劍陸魯望詩以剖觚誇絕技時因候月
發清光藜然太乙侵書几水合環瀛滿玉塘映取柯亭花四照瑣
闥常作畫屏張

翦得吳淞水一方微波潏灩欲舒匹三年不作團圓夢四壁還流

新安先集卷二

六

黯淡光仙館元霜閉玉杵鵲橋新月偃銀塘何年並照雙鸞翼斗
帳前頭取次張

儼從方器見空方見首楞嚴經徑寸靈臺不掩陸魯望詩欲爲轉輪呈變相何

須依樣畫圓光清於水月盈虛室渙若春冰釋野塘多事山禽文
彩在賺他到死翼舒張

秋夕書懷

依然襍被此淹留寂寞天涯歲月迥風葉聲多長向夕水雲夢冷
況逢秋空題遠信憑黃目已有違言到白鷗薄劣自知非世用可
應無福臥林邱

咏玉蘭

催向花前列繡榻小庭風細淨游塵誰招羣玉山頭月流照臨春
閣裏人粉態只供三日玩香苞曾向隔年親忍因搖落輕捐棄煎
入蘭酥勸客頻

爲友人題書

藥鑪茶竈儘蕭閒只有松風爲款關繁業尙存書萬軸幽居雅稱
屋三閒涼侵衣袂桐陰綠雨過階除蘚色斑此日金臺倦于役披
圖應亦憶家山

無題

雙栖何處問盧家薜荔牆陰一逕斜曾許乞漿來別圃偶逢簪玉
住清涯好春夢斷峯峯雨初日烘成樹樹霞相見不須還問姓夏

新安先集卷二

七

無人識紫陽花

白香山詩雖在人間人不識爲君名作紫陽花

夾簾疏地冷湘斑小閣吹笙景閉怪底詩人花屬命

唐人句詩人命屬花

幾疑鳳史玉如顏嬉春小逕纖纖月照影寒幽曲曲山記得驂鸞

共游戲知伊何自別星班

玉郎名已籍清都才調兼應絕世無詩罷迴文看宛轉曲成點拍

聽模糊綵絲慣結同心帶琴絹曾摹沒骨圖手爪憐君誰得似莫

因背癢憶麻姑

依稀西北有高樓芳草年年恨未休奔月自能隨術兔渡河誰定

戀駸牛珠林鳥宿仍同命玉沼蓮開總竝頭不分仙家耐離別青

天碧海兩悠悠

蕊珠一卷授靈文瀟灑常依抱節君迎戶風飄菓子縵步虛夜曳
藕絲裊流年有信憑衡雁到處堪疑是楚雲浪說閒情消淨業天
花應爲散續紛

菖蒲百結柳三眠瓊樹元宐在玉田攜手可能陳甲帳識君猶喜
及丁年蟬紗取次供橫幅鱗翰更番疊小箋識與妙蓮真實相三
生同證大羅天

落花

忍尋芳徑更重游小白長紅不暫畱縱道繁華皆夢幻便教飄泊
也風流玉顏有恨初經雨雲鬢無情可待秋已讀楞嚴知影事莫
隨兒女替花愁

新安先集卷二

六

烏曉猶是怨殘紅五光陰轉曠空香氣蒸成三里霧落英散作
九秋蓬高筵客醉沈沈雨細徑人歸翦翦風正值清和好時節江
南歸思夢魂中

節序偏驚遠客心直從春淺到春深亭臺處處飄紅雨院落家家
換綠陰杜老舟中愁瞥見劉郎觀裏懶重尋無家況是長沙謫忍
聽江城玉笛音

國色天香品目殊金樽吟賞只斯須飄來翠袖狂猶劇化作黃塵
恨始無陌上蘼蕪淡沒馬門前楊柳暗藏身栽培不解天公意偏
遣飛花別故株

自管詞人喚奈何傷春吾亦悔情多畱歡坐惜溶溶月送遠遙憐

渺渺波幾見新鶯唳別樹空餘病蝶戀殘柯重逢又是經年事不
異黃姑隔絳河

澤國寒多只是秋斷香零粉總堪愁粘沙夏作明妃冢汎水應同
范蠡舟美麗自來甘寂寞文章原台受虔劉臨風感歎還多事不
信天人共一漚

題泊村照

先生靜者流瀟灑出塵滓何期人海中見此古君子閑居觀物化
世事總不齒書味自縈襟琴音常在耳畫師遠擅場總未盡神理
入室聞芝蘭風格正如此

喜震亭曹子過飲西園次釀花學士韻

新安先集卷二

九

交牀偃臥心神凝輕扉白晝長堅扁胡來剝啄幽夢區朋命屐
尋郊坰共驚太瘦緣詩苦要以清癯出高古乍可垂頭學酒龍何
甘肖像成鹽虎池上開樽玩物華飯炊菰米羹芹芽秋風昨夜入
庭樹粉紅零落鋸塘花回頭歲月驚飄忽命薄劉郎少仙骨銅街
滾滾軟塵紅多少人才就淪沒太息黃金不可成紛紛蠻觸空相
爭醉鄉埋照未爲失酒戒先除四分律任從拍手笑兒童身是當
年竹谿逸

題三松前輩齋壁

臥起三間屋悠然愜縈心紙窗朝日暖芸閣夜燈淡畫補雙絲綉
囊收百衲琴軟紅塵十丈何處許相侵

除夕次韻

不是江湖載酒游三年冰雪此淹留倦飛只羨投林鳥枯坐從參
露地牛漸喜風光迴柳眼未容春意占花頭放歌好趁椒盤會領
得新銜作醉侯

元旦再用前韻

懶攀紅箋謁貴游爲食殘醕隔年留夢中久已疑分鹿牀下今猶
駭鬪牛化日正長蒨屋底春風先到板橋頭畏人只合江湖去敢
說沙禽勝五侯

代簡寄家人三疊前韻

可是蕭郎愛遠遊東風猶爲軟香留半生作計悲蓬椽兩地相望
阻女牛夢自吳樞連越角春從歲尾入年頭得歸莫怨垂空橐賸
有新詩授阿侯

送張明經鳳孫南歸

一樽別酒又臨歧正是長安落葉時多難自傷爲客早有才何論
得官遲雞聲旅店驚殘夢柳色津門指後期珍重年華須努力倚
閭人未鬢成絲

送杭堇浦同年歸里

白衣歸去亦何辭抵死難酬

特達知萬里鷗波春浩蕩

九重鳳閣影參差相逢北客休題九度過西湖莫賦詩此日離亭

拚一醉強君醇酒已嫌遲

書堂舊址傍江村滿目松風靜客魂

松吹書堂先生著書處也

坐對鶯花忘世

事歸依閭井荷

君恩未妨蕙草當門茁兼喜芸編插架存喚醒十年人海夢樽沙

聚散不堪論

客問竺西之勝口占答之

一片青山帶白沙郭熙平遠舊名家翻來畫譜成三絕界畫樓臺

漫骨花

六根編籬細竹扶紫苔鋪徑點塵無池臺碧與孤山侶只少茶寮

共酒壚

新安先集卷二

三

為三松前輩題釀花畫梅

昨宵風雪滿長安驛使南枝欲寄難一枕龍眠山下夢起來重向

畫圖看

憶環翠閣前玉蘭代書寄家人

落梅風急月痕斜夢裏分明過謝家為愛寒香伴幽絕綠窗孤負

女郎花

楚行雜咏

盧溝道中

宿雨猶淋漉墟煙漸寂寥綠萍黏樹腹青草上牆腰遠火雲封成

平沙水拍橋丙丁書果驗敢憚馬蹏遙

巨鄉驛口占贈瀉大靜山

蹤跡年來伎合并，居同閭巷出同行。
扶頭酒熟常分餉，信口詩成亦互評。
竹裏圍碁翻舊譜，花間點拍按新聲。
今宵莫厭蟬聯語，賸許相隨一日程。

定興驛夜坐聞笛

薄暮投驛亭，孤燈暖虛壁。疏涼雨過亭，戶轉寥闐繩。牀便坐臥解，帶惟所適。樹杪微風來，時時墮殘滴。雲歸天宇高，夜久市聲寂。搖落感秋心，何人臥吹笛。

咏蘋婆果

綠如春水初生日，紅似朝霞欲淡時。
一齧餘甘常在口，問名端合

新安先集卷二

三

號相思

佛書蘋婆一名相思果

方順橋道中書所見

專城誰失守，對簿尙何言。
事異狐鳴澤，人悲雉入樊。
吏呼原太急，廷議幸無冤。
豈似貧居好，耕漁守故園。

確州道中

今朝風日美，不覺道途長。
繞郭山平遠，經秋樹老蒼。
槿花紅破孽，禾穗綠舒芒。
誰信星軺客，行行近故鄉。

去縣三百里，卽江南境。

謝方伯惠茶筍

消渴年年一倍加，金莖曠露賜猶賒。
故人特地憐悽悴，分與頭綱

幾餅茶

右茶

所得瓊珩帶露香
晶鹽漉得味尤長
堆盤忽憶鄉園事
老竹行鞭
正過牆

右筭

定州渡水

行行定州道
侵晨促嚴裝
川涂阻巨浸
欲渡愁無梁
征人貪利涉
昇輦波中央
水底見雲影
深淺不可量
盤渦鷗鷺浴
斷岸菰蒲長
警彼蜻蜓舟
蕩入鱸魚鄉
十步九顛簸
一步一徬徨
僕夫困飢飭
晨炊在何方
吾行役徒隸
兼復豐饌行
路乃爾難
益爲田夫傷

鹽呂仙洞

爲愛方塘水
淹留到日晡
仙蹤桴廟貌
涼意渺江湖
地迴秋先覺
心清夢欲無
扁舟如落手
歸去飯雕胡

新安先集卷二

三

漳河

三臺遺址面陽坡
古徑無人蔓草多
閨位乘除那足問
一帆斜日渡漳河

放榜之前夕示諸分校

珠沈海底費搜羅
深夜燃犀照碧波
寄語羣公高著眼
青衫明日淚痕多

過磁州示趙生鳴佩

蓼花壓岸水平池
秋到橫塘鴈鴛鴦
知箇是君家
眞畫本鷗波亭外
早涼時

淇水

石梁一道鎖清流十里噌吰響未休若問王芻何
覓綠蒲紅蓼
滿沙洲

湯陰縣岳武穆祠

宮闕西泠跡久荒將軍此地有祠堂黃龍飲已成虛願白鶴歸應
恥故鄉早已彈文來魏國枉教列像鑄甲王臨風不盡英雄恨咫尺
朱仙舊戰場

雲夢道中懷翰逸沈公

將軍會食憶兒時一見曾題玉樹枝已向墓門悲宿草又來花縣
撫殘碑遺民舊事猶能說廉吏當年不易爲太息西華今葛帔道
家何以報恩私

新安先生集卷二

信陽州何大復先生故里

茅簷依水次粉堞隱巖阿地勢通淮近峯陰入楚多秋風未櫂楫
暝色路陂陀爲訪詩人後村民道姓何

雙河口號

青林影裏路高低臨水居人列屋齊自是今年天較暎秋山一路
畫眉啼

山行小憩

宛轉緣谿岸徘徊憩樹陰
明初見竹人靜忽聞禽水自上方落
山從此路淡陡嫌寒氣逼風翠溼衣襟

惺這關

絕磴千盤上陰崖一線分地倅雞鹿塞人狎虎狼羣時山多虎患路斷
雲長合林深日易曛清時仍設險哀角夜深聞

捕虎行

入暮陰風振崖谷樹葉驚飛聲款款怪禽曠野唳不休知是於菟
草闕伏斜陽欲落無人行凌晨不敢開柴荆公然大道攫人食西
舍東鄰聞哭聲昨日黃符下軍府特敕丁夫備弓弩官司擁捕有
程期違計頭顱棄林莽吾謂丁夫勿言苦獮狩邊規傳自古不見
南苑秋風大獵時歲歲

君王親殺虎

應山縣弔楊大洪先生

新安先集卷二

三

華表何時化鶴還白光猶繞大洪山宮門一夜霜髭茁詔獄三年
碧血斑願與先皇遊地下空畱遺疏在人間曾孫異代邀褒卹

曠典真堪格懦頑

公會孫某廷試被落以公故特授戶部主事

世廟

賦得一犁好雨秧初種

小雨廉纖正及時農家歡喜策耕犁剛看牛角銜泥出已見秧針
得雨滋千畝新畬毒獵獵一溝初漲碧婆娑甘霖早卜豐年兆
得春田樂府詩

蜀中雜咏

抵甯遠府

萬山開處出孤城極目郊原景物清客過柴門聞犬吠人穿柳陌

叱牛耕荒夷自樂歸圖籍父老何曾見甲兵不是
聖朝文德遠百年容易享昇平

同舍弟瓊書舍叔夜話感賦

風雨關山劇林泉引興長宦遊淹日月人事幾滄桑燭同今夕
停杯話故鄉吾廬無恙在歸去好連牀

晚時登樓

宿雨蕭騷客夢驚晚來登眺悵新晴日斜小市孤煙直雲轂遙峯
積雪明瘴海六時浮屠氣園林四月尙鶯聲憑闌卽目都堪記底
事圖經久未成

此邦向無志乘郡守王君方事纂輯

對月書懷

新安先集卷二

美

高齋卷書坐陽烏匿光景澹白上牆腰明月出東嶺初升喬木巔
旋掛遠峯頂天高星漸稀人定鶴頻警流照入書帷彌覺四壁靜
瑤階凝積雪飛絮墮無影心空萬籟寂道集羣慮屏試取鳴琴彈
此意君自領

太守王君招遊印海卽席賦贈

吾家舊住東海頭中年踪跡如萍浮風波一搖蕩去來欲主吾無
由今日是何日又作印海遊使君敬愛客置酒凌滄洲輕帆信迴
波中道時夷猶茲海從無潮汐至芟荷壓岸菰蒲稠花開駐歌舫
柳外藏漁舟良辰天氣佳雨霰雲初收海童不邀路川后長安流
高雲送去鳥淺瀨窺潛虬羣峯倒影臥濃綠美人對鏡蛾眉愁天

風颯然來欲迴炎夏成清秋吳歛越吟互唱酬
澹杯稠疊勸未休醉中天地同浮漚俯仰身世
更悠悠願君夏乞去聲飛霞佩便訪
仙人十二樓

瀘山行

泊舟邛海濱杖策瀘山巔茲山之高不可尋
丈計舉頭但見蒼溟天遠近諸山盡匍伏
宛如紫宮秉圭插笏朝羣仙道書福地搜訪
不及此天梯石棧締構知何年奇峯怪石雄
且妍一重一掩地肺相鉤連鐘魚隱隱出林
樾琳宮貝闕空中懸松頂雲濛濛元鶴叫洞
門日暖青牛眠眺崇岡之岌業聽飛瀑之潺
湲雲童童兮如葢草漠漠兮含煙萑蒲叢生
舌澗遍海榴紅綻葵花鮮其餘瓊屑不足

新安先集卷二

七

數紛紅駭綠鋪瓊田吾思自有茲山已歷萬
萬古不知幾輩於此開長筵峴山之淚良不
達豐碑曩屢空瑯鐫山中白雲原只自怡
悅姓名何用他人傳吾生世事百不愛但遇
山水長周旋款洽況逢地主賢禮數脫畧煩
苛調酌酒一杯詩一篇左挹衣袖右拍肩青
鞵布屨竟日恣幽討山靈與我庸無緣明朝
又踏黃塵去迴首丹臺一惘然

古蒙段

詞狀似女子坐蕙帳中云卽神之遺蛻也階上有履迹隱約可見

蟬蛻何年事蘭膏映綺寮人言月明夜時有
山精朝紀載迷金籥虛空聞玉簫至今苔石上
履迹未嘗消

甯遠雜詩四首

千里提封遠山川古建昌雲濤煙外紫瘴霧日中黃拱衛雄巴蜀
紛爭闕漢唐披函論形勝心折此巖疆

四面皆蕃部長途一線通獠奴諳漢語市僧樂彝風處處燮煙合
山山戍火紅連營兵不少方略仗羣公

喜聽農人說茲鄉亦樂郊白兔時佐酒花鴨亦充庖老屋杉皮葺
清谿竹影交但令長稔歲安穩臥衡茅

節候殊吾土流年感客情東西晴雨異且暮葛裘夏地盡三巴路
鄉遙萬里程不須悲老大髀肉幾曾生

試院夜中口占

寂寂風簾下迢迢夜漏沈論文追正始審調厭響音被褐猶懷玉

新安先集卷二

三

披沙試揀金一般辛苦地忍負簪年心

出郊望瀘山作

絕域重來未可期雲峯窈窕繫人思白頭迴處青蛾斂是與山靈

永訣時

道中書所見

攬轡循修吟披帷見遠山水田蛙閣閣雲樹鳥關關畱客啣嘛酒
媚郎菩薩鬘蠻鄉多樂事暫啟旅人顏

飯禮州

圓沙一片面崇岡茅屋人家午飯香曾聽小樓三日雨石田蕎子
又登場

夜投谿籠公廡

老馬疲長路征夫急去程野煙沈樹沒燐火照人行日落風逾厲
山空夜自驚因嗟匹屬客獨往若爲情

青山背

市遠稀人跡沙平信馬蹏乍驚坡陡削旋見路高低竹樹層層合
煙嵐故故迷多情山湖水送客過清谿
將至蘆山沾峽一水泓然幽絕可愛

青山如畫水如煙沙背鷓鴣自在眠豈特春遊謝蕭鼓柳陰兼少
擱泥船

入蘆沾峽

新安先集卷二

五

出峽復入峽松筠一徑長雨枯仍響瀑峯轉忽斜陽入暮山容靜
先秋后氣涼此閒堪結夏誰爲築話堂

過廢園有感

城角蛙聲沸草根松楸猶認舊朱門白衣誰載重陽酒綵纓空招
五日魂阮籍窮途歌當哭劉伶狂態屋爲禪園林故址行吟遍拂
拭閒尋徧墨痕

夢中有人向余吟詩云楚江行雨行雲徧莫道巫山是過鄉

醒後足成一絕

持節西行暗自傷家山回望轉茫茫楚江行雨行雲徧莫道巫山
是過鄉

雪夜偕同薦諸君集清連社聯句

寒凝綏綏然夏之三歲三會雪騰空勢悠揚沈廷芳著物冷金鐵漫

漠雲霰振于撥亂瓦溝瞥穿窗透一點劉綸照簡影三滅模稜無圭

角齊召南光怪竦楹椽厚非天地閉程恂齊此萬物潔前期見霜淞杭世

駿驗兹夕盡蟬蛻大白酒淡淡朱荃小把柴烈烈豈矜舊雨來周長聊

紹聚星哲順時屆臙臘劉藻休微掃蝗蟹預想麥有秋張漢行看草初

茁思艱邁虎冰萬松齡調燮仰稷契懸知連十稔陳士璠不但慰載渴

遂止無已太諸錦附詩當補缺起看攀頭山陳兆崙踏凍除木屑之

新安先集卷二

新安先集卷第三

朱履端

省齋公三子字端叔號浚谷桐鄉人雍正乙卯拔貢乾隆戊午舉人壬戌進士翰林院庶吉士兵部職方司主

事著樸山吟稿

桐鄉縣志有傳

兩浙輜軒錄陳鴻壽曰浚谷先生工詩文詞曲善畫近徐青

藤官部曹洞悉利弊吏不敢欺丁內艱歸終養老父遂不出

晚年移居嘉興梅會里

築南園著有樸山吟稿

金德輿南園觀梅歌予三舅氏浚谷先生以樞曹歸里購

李氏廢園蒼而新之多植梅樹時以樽酒自娛笙歌不輟舅

艱於嗣歿後十載園已三易主矣今年春重過其下追憶舊

遊不勝今昔之感云濃寒未退留殘雪惟煞東風太無力淇

淇重陰撥不開南枝何處傳消息春光昨夜來園林裙屐招

游欣再尋千竿修竹尋常見一徑疎香昏暗便疎香修竹憑

誰顧冷落芳魂怨誰訴姑射神人冰雪清羅浮僊子霓裳興

看花原是舊時人榮瘁無端歲月淪詩向空聞說丁卯廢興

猶自記庚辰憶谷歸田酣宴適經營小圃稱奇絕結搆亭臺

雅不羣料量行石羅新格聞道東皇使乍來平頭取次報花

新安先集卷三

一

開吹簫好挾茱萸女接席輕翻鸚鵡杯清光冉冉明星爛選
舞徵歌夜方半但使金樽酒不空明朝那管花零亂石火年
光不解留愁紅慘綠幾春秋朝來樂府新翻就早向蓬山隊
裏游從此名園事非故年年芳草臨歧路到甯猶開昏日花
傷心已作他人樹身語周遮靜掩門橫斜瘦影弄黃昏蹁躚
望斷孤山鶴縹緲難招處士魂我來卻值花將吐有酒徒酬
一杯土水部風流不復存廣平鐵石空傳賦幾回經過倍淒
然玉骨未肌自在妍翠羽乍翻疑舞扇毵球初墜認芳鈿從
知好事難長久無阻繁華成老醜第宅知他主幾更登臨應
歎吾非偶吁嗟乎巷口烏衣舞夕陽至山金谷付蒼苔當時
石葬梅花下常得吟魂倚冷香 寶光薰日詩詞稿蓋嗣子
畢訪浚谷同年故居南園悵然久之後見君詩詞稿蓋嗣子
薊圃蒐輯百不存一而薊圃之子為弼出余門下博通經史
能繩家學君之流澤孔厚有足徵者不在斤斤揆述間也

鐵舟寓居示殷生

還往金陀近一年松廊竹屋共留連酒邊索我新題咏花底邀君
脆管絃偶訪舊家塞月幌閒尋蕭寺上湖船嬉春度臘兼消夏只

欠秋窗對榻眠

汪伯子園林

園樹成陰綠幾層
主人開徑集吟朋
花前共飲三升酒
橋畔相攜五尺藤
兄弟清街連襪被
家鄉舊事話簞登
少年還往知多少
此會從今卻未曾

金陀懷舊儘流連
水月空明助學箋
半朽園梅時入夢
已馴孤鶴待參禪
雪泥故意羈人住
臘鼓無端攪客眠
不是談情眷戀幾
會輕喚渡頭船

范蠡湖懷古

春風橋下城南湖
分流云是古鴟夷
廢宅湖上畱偶步
爲誰弔

新安先集卷三

二

景物猶清幽
秀色暖林木
澄沙狎羣鷗
因憶千載上
高軌誰能儔
智謀旣霸越
采藥尋滄洲
龍虎不可飭
長指謝諸侯
黃金枉鑄鼎
飄然乘輕舟
豈若伍胥憤
怒激江潮頭
緬彼五湖人
波水長悠悠

桐村行

僕本桐村士
講歌桐村行
桐村之中景
幽絕長梧榭
柳間唳鶯爰
山一峯芳草綠
桐溪百折春
波明竹籬草
舍映桑柘日
暮犬吠兼
鷄鳴居人生
不出鄉井
讀書耕織
相經營門
外催租吏
不到訟庭
無事官常清
春日芳田
犁白雨秋
風茅屋炊
香秔家家
温飽亦已
足惟願擊壤
歌太平吾
操土風製
此曲非爲
鄉里徒誇盈

朱

英 省齋公七子字含叔號葑房桐鄉縣國學生著史山樵唱事載桐鄉縣志平湖縣志文苑孝友傳

兩浙轄軒鏃絕廷博曰葑房應鄉試屢薦不售後緣事畱蜀
中四十餘年得釋歸趙味辛選定其詩為史山樵唱二卷
阮文達學經室二集朱母高太孺人傳 孺人年二十歸朱
葑房先生先生為桐鄉令族績學敦氣誼事二親以孝聞兄
弟八人仲兄子年官翰林叔兄浚谷主政兵部會葑房先生
以子年之獄苻靡入蜀羈三十七年乾隆乙巳先生蒙
高宗 特恩釋歸明年抵里門白頭相

對諸孫林立里邨傳為美談云

焦循蜀道歸裝圖書後 乾隆己巳桐鄉朱君葑房以兄故
苻靡蜀中兄達官畏罪自投於水然無以明也繫蜀三十七
年家貧婦高以紡績所入供兩地食用課子讀書為諸生子
名鴻猷字鄉圃有至性同於父嘗奉母命省父入蜀往返萬
里備極勞瘁既歸病歿葑房歸夫婦重見而子不復在矣君
子曰葑房悌弟高義婦鄉圃孝子古人卓行萃於一門豈適
哉然

過梅花道人墓

城隅小巷寂無譁畧約橫谿石徑斜蔓草荒煙高士墓疏鐘清磬

新安先集卷三

三

野僧家碑畱遺墨三竿竹籬護寒香幾樹花持比孤山林處士只
無一鶴舞雲霞

汎西子湖

總宐船趁綠楊風棹入琉璃鏡影中粉堞青山分左右碧泉紅雨
繞西東千年名合夷光竝一角圖成馬遠工日暮回舟看不足雷
峯斷塔簪晴空

巴峽水

巴山高江水流哀猿一嘯天地秋蕭疏木葉盈灘頭瑟瑟打鼓誰
家船一人捩柁千人牽中有羈人淚盈把灑付江流向東下

燕銜泥

燕銜泥營巢宿過茅檐覓華屋珠簾高卷樓雕梁芹泥作壘春來
忙寄聲燕燕爾且休華屋有時成山邛何不向我茅檐畱

將進酒

金叵羅玉交卮主人將進酒向客前致詞芳辰那能再嘉會實在
茲一斗與一石燕樂無已時陶然謀眾醉獨醒將何爲不飲豈可
憺滿酌君毋辭

題白團扇

禮經有遺言惟白可受采蟬雀畫參差昭質不復狂
眷茲團圓形豈藉繪事妍朔雪鋪大地皓月當中天
暑氣夜未收對月還搖雪棄捐獨何心好色不好潔

新安先集卷三

四

梨花

滿樹渾如雪羞同桃李妍青旗沽酒路紅粉洗妝天多雨逢寒食
成雲淡夕煙攜筇相對立爾我共華顛

應高二丈紙鳧之什

爾亦能高舉迴翔在半空賦形同健翮得意駕長風直上重霄去
全憑一綫通凌雲非我分袖手任村童

庚子除夕

今夜轉淒然挑鐙照不眠流光終一歲異地滯三年患難須知命
半愁敢問天明朝春有信可到蜀江邊

別吳子來儀

滿酌梨花酒還歌楊柳詞江湖一以別雲樹幾相思淚逐猿嗥落
書隨雁到遲他年重握手只恐鬢成絲

冬日得春橋弟京華手札

風雪關山路遙傳尺一來祇應從浙水不道自燕臺好語聊相慰
羈懷且暫開細看鄉事少知是客中裁

寄蘇十八曉亭

季子平安否天涯何處居已經三歲別不寄一行書家計流離後
人情患難餘忘形惟爾我消息可教疏

憶故園谿亭

百折桐谿水谿邊舊有亭拂隄官柳碧遷屋女桑青風景今何似

新安先集卷三

五

行吟咎所經錦江雖勝地無奈是飄零

偶閒

絕似隱君家軒窗靜不譁霏微幾點雨閒淡一叢花學佛頻揮塵
談詩合煮茶勞生塵土夢此日得清嘉

僧院牡丹爲雨所敗悵然有作

古院花王有一叢那知零落向東風幾經猛雨清如洗始悟禪機
色是空徒倚筠闌思夙豔徘徊石徑愔戰紅陰陰合讓杪羅樹長
蒼經聲佛火中

秋日書感

一片清砧搗夕陽西風吹引斷人腸年華漸老違初願憂思頻經

滯異鄉葉脫空山林木瘦霜飛遠渚荻蘆長茫茫欲卜吾生事
尺君平宅已荒

無邊秋氣亦悲哉懷抱何由得暫開兩鬢繁霜羞對鏡一生壯志
歎成灰世途嶮巇曾經歷時序炎涼又迭催向晚孤燈形語影多
情只有月飛來

羈客遙聞塞鴈征蒼茫獨立不勝情夢懷尙記牛衣臥歸信須憑
馬角生愁比劔鋌真刺骨口銜碑闕且吞聲夜淡紫氣冲霄漢只
是干將恨未平

桐花谿畔舊林邱此日剛逢作好秋黃菊疏籬沽酒路白蘋淺水
釣魚舟故鄉迢遞思吳會異地淒涼對楚囚縱使大刀歸夢準定

新安先集卷三

六

然霜雪已盈頭

秋月

尋常見月尙含愁何況天涯植筮秋風葉庭前霜氣冷露蛩聲裏
水光流關山處處間鴻雁河漢年年隔女牛涼夜相看潛掣淚異
鄉一十四當頭

冬日偶書

瓦雀聲喧欲雪時病餘瘦骨不堪支破牕雖閉思依火凍視難融
懶賦詩酒薄那能千日醉衾寒慣向五更知年年至後陽和轉底
事茅檐暖較遲

連日送遠有感而賦

一旬幾度送交親，慙愧羈棲異地身。賦命窮通原有定，搏沙聚散總無因。鏡中窺鬢難留黑，客裏看花不當春。放舍相關仗鸞友，那堪分棧兩三人。

春光

東風釀就蒼花天，桃杏同時著色鮮。研北琴書常借潤，牆東竹石總增妍。亦知老境須行樂，曾記芳時慣作顛。咫尺錦官城外路，討春何日任流連。

成都春日

春風淡蕩滿成都，萬里橋邊淨綠蕪。芳草晴郊爭牧馬，杏花小店醉當壚。冰消谿溜成弦管，雨洗山光儼畫圖。只是杜陵人去後，灑

新安先集卷三

七

西還賸草堂無

雪嶺

凌空朵朵玉芙蓉，橫截西陲大小峯。百丈盡看紅日照，四圍錯認白雲封。中宵月映茫無影，長夏冰消畧有蹤。回首諸山盡金碧，如何此地雪常濃。

偶書

路隔東吳雲水程，誰教畱滯錦官城。尊鱸鄉味頻年夢，風雨簷花獨客情。黃耳那能傳遠信，白鷗應已冷初盟。子規未識羈人苦，猶是催歸到五更。

暮春羈館書事

孤館無聊霜氣清
架書倦整任縱橫
烹茶當酒愁仍結
就樹爲巢計未成
陳少府曾有代請移屋就樹之約
木杪雲流秋影薄
庭虛月浸夜寒生
不知處敲帖急催動關山萬里情

接張同山手札

與君分手子雲臺
多負詩瓢與酒盃
不道賓鴻能會意
遙天早帶尺書來

除夕

六尺繩牀坐悄然
客愁無限集錢前
羈棲兩鬢渾如雪
屈指明朝二十年

兒子咏荔書此示之

新安先集卷三

八

稚子嘗新賦小詩
老夫飽噉已經時
十年旅館無人識
祇道淹留爲荔支

人日有懷張同山用高適人日寄杜拾遺韻

春風雨壓不滿堂
我之懷矣非故鄉
茫茫回首十七載
一樹梅花獨斷腸
階萋七葉何所預
羈館空勞知己慮
相思相望竟天涯
何似當時不知處
夫君才調凌陽春
書劍那是長風塵
好花難得芳菲節
翦綵當窗憶殺人

春日得張同山書

驛使隨君至柴關
暖復生展看數行字
淡入旅人情舊雨
疏簾好餘寒逼歲輕
梅花自官閣香直過嚴城

送友旋里

何處桃花酒，惟遺楊柳詞。
送君還故國，普我說相思。
棹逐流波去，心懸撲蝶時。
若逢釋子問，莫道滿頭絲。

秋海棠和姜南園韻

省識柔腸斷，凝成一片秋。
葉斜翻雨腳，花亞避風頭。
別館長年病，空階獨夜愁。
海棠常作伴，多半在西州。

春日閱同人投贈之什書懷

庾徐相應有同聲，我獨平居默愴情。
不分敲詩還鬪酒，何堪歲月又嗁鶯。
一身匏繫年年在，兩鬢霜繁夜夜生。
垂老也知歸去好，故鄉回首萬山橫。

新安先集卷三

九

楊花

蚤是春殘思易傷，楊花飛撲不尋常。
日斜渾與人爭渡，風定如隨淚墮。
牀逐水爲相，終淺薄成塵作態。
尙輕狂，畫樓不捲珠簾看，但
是牽情一例忘。

同舍李生頗習豔體詩性嗜會淡戲成一律

杜甫鄰人也，姓朱隔牆有計定。
無虞流連風雅從，吾尙嗜好酸鹹。
與俗殊娛，綠漸舒春繞樹，小紅初綻。
豔當壚及時行樂，尙辭倦斗筲。
詩瓢拄杖扶。

春夜同侶各言所志偶成

寵辱年來不足驚，箠鐓火話平生地。
形西蜀非無險，春色東吳

最有情麻縷棄絲妻慣織蟲負草木子能名門前千頃琉璃碧可
得牽船把釣橫

前身應是打包僧雲水因緣了未能拌棹畱爲歸去路些些共付
夜來鐙空枝彈雀何虛拓結網來魚慣脫骨富貴神仙皆可致誰
先破壁會飛騰

看移菊

最多蘊藉是秋英暈紫融黃總繫情寄傲霜前誰目逆試栽日下
見心傾陶家本色今仍在羅宅遺香秋又生那得看花人與其幾
番風雨到淡更

晚庭偶書

新安先集卷三

十

衰鬢先秋白二分蒼茫庭際立斜暉花翻廢圃闌鄉思雁咽寒雲
動客間食盡味方誰俗米書來穉子頗能文得歸選勝隨嘉會不
似封胡羯末羣

會西州荔支感賦

年年暑月憶當時飽啜雍州綠荔支已斷異香誰復問忽來小顆
最添思烟灣風味看應老水國雲帆去尙遲一曲翻成無隕劇
憐此意少人知

春閨

日光熏草暖絲颺紫燕雙雙入畫梁爲道塞垣相憶苦歸期欲問
費商量

九日寄同山兼懷臥廬

果有登高去鄉關望亦迷香廚前度醉遊屐及時攜白髮僧高古
紅蓮客等齊吾徒多笑疾無分遺爾翁

冬日偶書

慘澹雲生釀雪天客衣未辦一銖絲傭書賸欠晨呵手索句偏多
夜簷肩空憶舊時搖月浦獨憐異地履霜年竹鑪可在思親火送
炭無人亦惘然

客舍春懷

役盡吟魂與客魂夕陽飛絮又當門更於何處尋詩料莫就笏人
問淚痕藥餌相隨原是侶水雲可在卽言村飄飄祇覺身無著富

新安先集卷三

十一

畧功名那敢論

牀前夜半月如霜夢斷幽棲放鴨塘牆徑獨闌添綠竹門庭多故
壤青箱貧來俗子堪容阮癡絕童兒頗笑王恐負兩三知己意耽
吟可是纂言坊

分作清時老布衣江天爛醉未應非桐遺爨下知音少蘭在湘南
見面稀香徑黃蜂爭釀去泥梁紫燕認巢飛近來吾亦嫌吾懶欲
擅春風事久違

窮途初不願人憐世事於今一夕煙濁酒自沾澆傀儡靈苗誰付
起沈繇此生公論惟評月異地羈縻那隄年衰鬢何情重向柳青
青欲映畫橋邊

雨窗書事次同山韻

沛然雨潑火雲燒林靜涼風興自超與客鬪茶誇七椀僧刻燭
儘三條花藏密砌胭脂冷蝶化疏籬粉黛消此趣已緣岑寂得道
書一卷臥窗寮

郊原行

郊原何所見牧叱驅羣羊母前蒸則隨乳輒眠其芻吾何漫行役
劬勞宛若忘陟彼岵與岵回首雲蒼蒼哀哉蒸不若爰止淚沾裳
郊原抑何有噉噉林中鳥老鳥卵翼勞受哺於其雛吾何去鄉國
長缺甘旨須瞻彼南陔草油油日欲晡哀哉鳥不若惻惻復長途

會生瓜

新安先集卷三

十三

土溼瓜色腴雨時瓜味沃何須金鐮刀頓剖黃脂玉涼意觸鼻端
生致透眼目壺盛井泉淘磁承葢桂屬縷拌消中乾片切平胃煨
飯罷一甌茶頗不念梁肉恍惚憶湖東園遠遊溪悔昨遐哉青門侯
棊韭早晚足

送史五兄歸里

故人還故國風急片帆飛縞紵何無念庭幃況久違江清雁影
日搭戀渙磯想到山陰道丹楓正照衣

獨鶴

可是辛公鶴孤音不忍聞無心求鳳伍有恨落雞羣影接春明雪
思垂海角雲援琴知獨苦裂作斷腸文

九日

漫道酬佳節含情獨不譁關山一繩蕩風雨滿籬花那得南冠落
何來魯酒賒此時憐弟妹極目向天涯

晚望

思力遠無極目光老漸微高窗偏不掩薄暮定相違池靜知魚伏
枝喧識鳥歸惟憐戩照落依約戀荆扉

哭三妹

年俱週甲外最念是存叵何意先泉路況兼隔故鄉生兒幸成立
老我獨悲傷欲寫哀辭寄臨風淚萬行

乙亥元寄作

新安先集卷三

十三

今夕原呼不夜天官民同樂敲鐙筵料絲障映家家霧鋸燭高燒
樹樹蓮雲鬢易迷車似水舫船催送酒如泉

仁皇時節人還枉間道風光勝管年

歌鐘蔽布錦江城點綴年豐世太平陋巷何情看月得重樓多麗

帶春生紅茵博塞通衙喝是夕大吏特
寬賭禁故云綵索牽燈是處橫百姓只

知行樂爾老臣持重何忘兵時秦西軍
務正興

初夏書懷

桂葺光陰四月天鬢絲枯坐感衰年明知命薄難高臥生爲情多
未近禪舊跡遺忘重緝錄新詩剛訂諱流傳文章

昭代推相柢刻楮雕蟲敢鬪妍

已聞妹弟住西東欲報平安信
合通淚眼未乾隨絳蠟鬢絲漸滿
愧青銅魯奩亥豕書從混芝朮
麥苔病懶攻羈況此時言不得填
膺煩惱欲觀空

閏七夕

又趁涼蟾踏曉還露香風細絳河灣
紫娥前度曾疑妬前七夕大雨靈

鵲今番敢愛閒仙杼更停寬節序
客心難越恨關山生來七夕三
逢閏總枉含愁話別閒

示任生詩庭

魚沈涸轍鳥焚籠鎮日追隨獨爾同
淚絕鴿原潑火雨坐親馬帳
落花風不間就業添三益只覺馳名有百窟
指日書成懸市可誰

新安先集卷三

丙

憐讐校是衰翁

釀花醒墨之居雜詠四律有序

時居官廡左距浣花谿數百步右接洗墨池不過數武斗
室鍵戶日夕於斯頗多韻事遂以是名其居以博好事者

題詠畧爾

此席天教我蒼虛筆牀茶竈更無餘市葦自遠何須避地僻誰貪
怡愛居庭忽蕭森秋雨後窗生明淨午陰初散云咫尺揚雄宅兀
兀窮年好著書

宛似人閒自在身幾曾高蹈謝風塵傳吟螿和尖又韻證果溪參
過未因閩客送葦烹燻落蜀僧餽芋數輪困從前作事原隨意栖

息幽居更率真

矇矓枕聽湯翻浪童子擎甌喚起來日影半牀腰復嬾花光一檻
眼齊開婆娑細滌端池墨抖擻勻節古鼎灰檢點生涯誠寂寞輕
肥何慕忽生哀

笑煞當年擬息機谿山揀盡究安歸浣花里去百弓遠洗墨池來
一徑微小葺須貲無錄事長歌見贈况清暉工夫知止今纔得著
處修行自不違

漫書示雷秀才

舉世人人樂僂趨杜門不出我何紆儻來恥辱須求遠要少憂危
只守愚成事偶同盧一擲乘機當待網三驅每噉此志何孤子試

新安先集卷三

五

問雷生或與俱

有地堪容卽是鄉嘯歌可異簪年狂飛揚跋扈倚長劒跌宕風流
寄短章心界已空非佛地身軀無礙卽仙方年華幾換千何事只
愛因循不愛忙

中秋日劉上舍桐初見惠月餅并敘東坡北臺韻索和次荅

二律

題餅曾忌韻輕纖詩格劉郎本最嚴綵幄何緣教合樂冰酥分餉
畧知鹽那愁夜色涼侵棧多恐秋庭雨灑檐返照入林開晚霽紅
霞一抹蜀山尖

幾貪弄月事塗雅飽看飛輪不見車心折大刀懷破鏡手攀高樹

感空花但逢好處偏爲旅忍到圓時不憶家此後酬吟夏何地
擊
賤手似玉了又

偶感八月二十一日夜作

歲在龍蛇命太難南冠維繫已

恩寬里中童穉皆強壯帳下生徒半達官久雨忽晴應色喜一秋
今日轉心寒紅椒綠醕紛金粟無復趨庭旨奉歡

立春夜作

幽居兀坐頓生春燈火微紅結燦新暮夜斷無金作贈明朝或有
客相親形容枯槁吾嫌老囊橐空虛鬼笑貧打戶搥牀徒爾耳欲
歸只恐夢難真

新安先集卷三

六

秋雨有感

南顧吳趨北望燕錦江何戀任虛船無天不漏誠如是

小漏天在川南地方

有路皆難始恍然林密復應隨豹隱泥濘端不做夔憐句耽清瘦
頻追琢贏得人看賈浪仙

落葉六首

最先飄泊究何由玉露凋傷無計畱門巷蕭蕭邊落照煙波渺渺
逐空流颺聲斷續催涼月鴈影橫斜帶嫵秋儂是天涯斷腸客憑
欄一望得無愁

青女無端助晚紅髮髮生意漸成空
滕教書樣傳枯木觸撥吟情
感斷蓬滿目蕭條隨暮雨一年容易到秋風
筆牀茶竈濃陰坐無

隄幽懷想像中

蒼茫客路盡關心雨露

天家降每溪颺動孰憐流砌響離披自減照牆陰
堯城戩角聲邊度野店秋燈夢裏尋此際莫愁無物色等閒樵牧亦知音

重到巴山與舊柴枯往復只斯須行吟踏遍飄仍劇煖酒燒食
恨未無底事林中還逐鹿至今城上起嘯鳥含情替爾頻揮淚縱
得歸相失故株

慣經搖落奈愁何寂寞相將別緒多班馬亂嘶汗隴樹布帆直卸
洞庭波採薪刻曲懷迂客擊鉢禪關歎遠珂西年客山陰招學博
李迂客僧遠珂家載
廣共賦落葉忽忽
數載遠珂謝世矣日落故園何處望無邊木落有關河

新安先集卷三

七

長年多病是驚秋靜遠寒潭映得愁斜日亂山飛鳥道涼煙曲渚
入魚舟槐陰雕盡哀凝祖桐露零餘贊屬劉敗絮滿空收不盡可
憐一一逐浮漚

寒窗偶書

蚤是寒催簸雪天熏鑪灰燼撥重然俗來書詎經人讀賣到琴猶
不自憐木落草枯春有待風廊雲壑夢無緣已過六十年惟澹句
廢南華第一篇

風飄磬按沁園春愁煞江南顧曲人萬里船回成白首一樽酒盡
憶朱屨杜門每遇來題鳳赤手何能去縛麟絲竹移情尙如此窗
虛其奈冷閒身

落魄西州淚浣衣曲闌折柳頓懷歸嶽崎路絕知音寡故舊人多
見面稀遐跡久隨萍遠汎寄音不達雁空飛試將紅豆齋前樂換
取羈愁定見違

適閒

上清淪謫到紅塵擺脫無由贅此身風雨一牀書百帙星霜兩鬢
酒千巡病荒遇鬼原無鬼句速如神卻有神三十二年戩劫滿東
湖東去一漁人

晏起

連朝晴屬小陽春曲盡安眠絮擁身寂寞細聽湯沸耳婆娑久謝
藥沾唇半窗日漾塵飛影一紙書來夢有因幾度攬衣仍就枕酣

新安先集卷三

六

甜難得此清晨

冬日閒居

涼燠冬初氣未勻貧家競喚小陽春嶺梅偷暖枝橫雪潭水因風
波蹙鱗面壁跏趺遑問渡涉川汗漫已知津癡憨溪得前人句我
是天公度外人

立秋日書

一葉無端曲渚流梧桐院落嬾涼浮空傳遠信憑青鳥那有閒情
狎白鷗雉堞笳生悲壯思蟬紗扇引棄捐愁老來但覺吟懷健料
理詩篇賦早秋

和友人夕陽

料得閒吟事討幽簾旌斜處日痕留紅霞依約明樓角紫靄霏微
黯水頭驛路蟬聲飛羽檄橋椿纜影繫渙舟艤前好景憑誰畫盡
被先生一望收

期梅曲江不至時將作歸計

攀拳檣檣版蓋屋料峭風侵肌起粟夜雪船或有王子懸磬空偏
無鮑叔淫哇靡曼但蜀弦慷慨悲歌失燕筑惠然何來約再申歸
歎興歎間諸熟文章有道多逢迎山水性情俊追逐文茵轉載劇
相推赤幟登壇早爲築君慳揮霍筆千鈞我免低徊日百讀漢魏
各體敢妄談唐宋諸家粗涉目樽酒細論會有期林耶久憶臥何
福滹沱學賈乘致寇的博從軍名削牘早知媚禱無迨迨晚力桑

新安先集卷三

五

榆徒孺麻棲鴉何故噪滿林方夢還山看山暴

三蘇祠

眉山秀甲蜀鍾毓多英賢所難三蘇公一門俱足傳老泉旣崛起
軾轍復比肩髯公尤挺拔下筆儼神仙浩浩韓吏部飄飄李青蓮
天縱如二公遠謫亦同然胡爲桑梓地有祠委荒煙碑碣半已剝
草木空爲妍嗟乎邦之人動云種福田堅心事象教那識鄉古先

人日歌

元辰樓指恰七日今呼人日何爲哉作俑實自董勛禮愧我汲古
心他隕靈參三才蓋萬物乃落牛後良堪哀金箔鏤形屏風帖或
戴耀首穿樓臺七種茶羹花五絲男女喧笑爭銜杯荆楚風俗更

近鬼捩狗之耳描于顛代相沿習云取勝造端實因好勝開樹人
廣寂僕最苦忽爾棖觸愁無媒離家十倍辭道衡花前鴈後空律
徊

思歸五首 并序 刻三

屈平去國望遠傳騷王粲懷鄉登高作賦蓋關山雨雪難
免乎途人而夙夜悲歌獨形于久客吾友曲江梅君飢驅
陟岵時幸依劉才望登峯人逢說項無如海棠樓下爭抵
傾脂荔支灣前可方橋李淹留五載思易纏繚臯賦七言
詞真沈博諒客況則皆然邀吟和寡念羈愁之各致觸忌
孔多幸先生明以爲教庶小子克底有成不揣效顰聊供

新安先集卷三

三

噴飯

子規樹杪儘嘯歸惆悵春來心事違行處人爭誇豹易臥時邊念
對牛衣劇憐庭竹雲難拂苦憶原鴿雨尙飛誰遣淹留成索寞縱
成鄉夢亦依稀

卅載愍然不曰歸心如入定出無邊逢僧但覺多留帶臥雪何妨
少付衣夜檻迢迢潭水止曉窗隱隱岫雲飛于今俯仰全無礙著
處何嫌樂事稀

循陔陟岵總懷歸君去吾猶蹤跡違幾曲青山雙蠟屐滿空瘴霧
一征衣認巢燕子應重睇著水楊花竟不飛相送江濱頻下淚此
行各歎故人稀

閱半野詩偶成兼示臥廬

風月工夫莫淺看一番切究一番難況今詩也拘資格窮達何能
比職官

寄友人

鴻心翻在奔倩寄得聲遲

蒙什黃子得寄
之什幾失去

風格當今日情懷感管

時誰畱才子老自報漢廷知出奮有攸往君先應易辭

再寄兼慰林明府

細柳生風句何言不啟予涉川同病者思郢隔幽居坐對賢人酒
閒看處士書林翁煩說與放鶴得舒徐

草堂寺懷古

新安先集卷三

三

沿江竹樹沿谿花唐詩人宅山僧家風光駘宕趁游展鐘魚遠藏
何清嘉管賢流寓此最久推轂扶輪有巨手高三十五嚴鄭公知
已傾歡畧不偶我今拂檻頻小畱幽禽碧葉聲啾啾煙中野老尙
爭席江湍遠落雲悠悠

白馬篇

白馬紅絲絡揮鞭上燕然錦褶覆繡袴寶帶雕弧懸朝從南山獵
晚向北里眠青樓善筵纏頭輒百千邊封告鳴鏑請纓掃戈鋌
酬恩輕裹革邊俗跼跼直取月支頭還所樓蘭后功成不願賞
一笑歸故塵縱屈灞陵尉絕勝抱陳編何殊株守免力德鹽車前
千秋心茫茫幾見名山傳哀吟澈空谷徒受凡民憐

十月對菊用昌黎山后韻

江城霜落草木微山樵跋扈蕙思飛青年學圃手可拊黃菊成叢
泥不肥乘梅雨插嫵枝活蕘灰瀝洽腳葉稀抱朴示辯晚詎誤靈
均授餐夕止飢高會移花入盆盎簪杖轄鍵戶扉斯樂唯恐參
辰隔吾廬違問雨雪霏冷境荒穢遺壽客傲氣潦倒誰範圍孟冬
擷棧坐后蹬返照弄影浣地衣鑿坯匿跡怕名累娉修竟致同絀
鞮愛憐卻非朱孺子何處名山偕汝歸

題外舅高礪山先生家藏怡怡圖卷

寶樹庭階舊未行熟聞友愛每連牀眼前長覺荆枝茂膝下還欣
芝草芳前輩畱吟看總在舊家遺韻思難忘重過阮巷分南北枝

新安先集卷三

三

睹怡怡氣脈長

次趙味辛舍人畱題韻

西冷一棹去山水澹忘歸有客攜雙屐無錢質副衣牀風戩帙展
檻雨暮林飛供給遙憐鼓詩腰減幾圍

湖樓臥病示大孫爲粥

鐘餘僧點佛前香屋角微微透月光怕喚扣紗舒望龍小荷風動
夜添涼

桐華館漫興

艇泊蜻蜓未放還可因及史兩家山拖筇飽看楓林晚結網空菽
柳水閒供給依親原不倦應酬柰老越添辱因循賸得新詩在藪

燭寒宵待客剛

過妹家桐華館

桐花曾顧有孫枝
館裏能無異
管時獨倚軒楹
潯掬淚得歸何故
十年遲

暮春偕鮑深飲閒步郭外

春光漸老景清柔
裙屐招邀出郭遊
菜圃日遲金閃閃
麥田風度
溼悠悠
未能竹下尋三逕
時方魏二君與鄆
設甥往尋蔣春雨
擬向林邊問一邱
笑煞路紆腰脚健
興隨鮑叔那容留

題夏羽客畫扇

紫葢渲染儼天成
妙致如規憚壽平
直訪爲君來寫照
舍人詩句

新安先集卷三

看分明

元旦遇雪偶書以示孫輩

首朔迎元啟草堂
笑看白屋玉爲妝
詎誇春雪凌高調
甫得陽和
煥舊章
計歲幸邀天與健
責躬敢向國觀光
孫雛那識子心切
家
有經畚漸漸荒

元日雜書

雪滿林園憶管遊
殊方只道困淹留
金雞特放

君恩大瘦馬
遙歸客路悠
萬事蹉跎過臘尾
一腔憤懣入年頭
早知况味原如此
前度東風何太愁

痛抱西河已豁然
不堪入目痛仍牽
杼私安得來如願
姑息還圖

有象賢一任風牀開蠹帙枉教雪夜映麟編細思只有農堪學好
守窯灘幾稜田

全家卜宅託當湖古道人多興不孤修飾門牆偏壯麗安排井竈
太糊塗聊隨閭里傳春帖那有心情換舊符此地林泉味不少幽
樓可接一枝無

效香山體

何處難忘酒孤鐙照不眠兵戈懷遠郡水旱感連年鼠鬪承塵頂
蛾旋廢爰邊此時無一盞著枕也徒然
何處難忘酒漢交遠叩門十年千里隔一見兩心存得喪皆陳跡
文章重細論此時無一盞寂寞奈黃昏

新安先集卷三

三

何處難忘酒翻書遇不平英雄天算奪功業主姦生垓下歌原壯
淮陰拔捩成此時無一盞千載氣猶橫

趙舍人訪美當湖枉過草堂逾月訪就輒返余歸已不及晤

戲東此作

風人勝致極飛騰埽徑畱賓愧未曾新詠冬郎傳海內巫陽神女
過雲層浣衣隄畔空畱愛傳粉樓頭詎免憎得耦復書驢券去老
慵枉策小紅藤

畏寒戲示諸朋好

料峭風高冷逼身天公欺狎老年人晴光黯黯肌生粟霧氣濛濛
眼著塵朋好相親多瘦句冶遊追逐只荒津君看倚翠偎紅客雪

夜長江總是春

對雪用東坡聚星堂詩韻

一棹桐涇若飛葉耽遊不禁天作雪肌粟粟來寒氣增髻絲絲動
豪興絕況有詩翁相舟旋兼得才子夏磬折翦水作花原無定因
風起絮自入滅階除乍如碎玉堆瓦溝漸若閃電掣幽庭飄落幾
屐泥明窗歷亂雙眼纈古人高唱撻瓊林老朽拾遺瀝粉屑寫生
務要出異相對景正好在一瞥因人而熱效蛾蟬指語近膚如夢
說枯腸索盡到夜闌粗布裝縣冷勝鐵

鄂巖甥居會構李

風物鄉關卻對渠卅年客旅憶僧廬

李出郡東淨相寺

冰磁重會翻難咽

新安先集卷三

五

不是分甘共話餘

古郡名猶賴此存老翁細玩敢輕吞
為人錯會應加笑只爲西施
爪掐瘡

赴鄂巖甥齋不值

非爽秋澄約期因風雨愆帆檣渺烟渚木葉豔霜天作醉彌生勸
興懷著舊編子猷看竹慣何必主人旋

燒香曲

香市東頭香霧昏嶽皇廟下女如雲
野花滿髻蜨繞裙柴門鎖向
老樹村東風習習春陰起
女伴歸來逐游子暗中曾祝生石麟
遊人紛紛神豈聞

鄂巖甥宅晤杭堇浦先生令子追話疇昔兼送至河南幕府
益簪堂中酒滿卮正欲刻燭催新詩鮑叔忽邀佳客至乃是荀家
之少慙西冷感舊昨回權邂逅相逢喜復悲尊君博雅性直諒名
滿海內動

王知歸來鍵戶置老足繼武君復多英姿轟堂話舊忘漏永手出
家籍開鬢疑問君挾書何入洛中州開府能提攜況今

天子屢側席英才競進賢無遺勉旃此游豈汗漫一經僂抵爲裘
箕

代友人題學圃圖

楊林雨歇綠陰餘鴉背金鋤築圃居十丈輒紅飛不到手刪蔬譜

新安先集卷三

三

續農書

鄂巖甥甚稱李氏園古梅乃宋時所遺清癯古怪迴出餘株

主人有宋梅歌傳和因賦二律

雪晴梅里巷無譁短屐徐行一徑斜獨愛清癯皎立凍餘看疏影
月穿樓傳聞宋氏遺民植畱與黃山比部誇際此定應煩畫手卻
邀詩句寫生花

僊李支分幾輩人園荒遺植冠芳辰門才代有驚風雨樹色還看
泣鬼神味帶酸寒交耐久心存鐵石色非真從今物理休輕論莊
叟何妨有大椿

簾鉤

曾見催醮隔座移筠簾欲捲曲瓊持每隨花影當空漾長護香燈
鎮日垂憂擊不妨人午睡玲瓏微颯燕朝窺湘妃鈎弋今成眷寫
盡相思寄倩誰

柳絮

輕於微霰白於絲吹盡春風便放顛慣逐淡紅香白隊忽來技笛
酒壚邊無聊依約耽游屐觸忤連番悵別筵曾託長條頻照水還
歸色相緣浮天

廿載飄流最感渠夕陽渡口袂衣初簇團那比沙難聚點滴恆添
淚有餘春色三分頻送盡客心萬里總成虛而今聲按楊枝曲觸
撥花時悵遠居

新安先集卷三

三

諸小孫最好弄水詩以當誠

讀書多非知者偷好弄如何偏在水雖云流動本天機汝輩未可
以語此邇來劇雨成恆陰霾霧霧瘴暗窗紙棄書倏出排闥方相
率衝颯踏瀟瀟沐盆接漏儼飛瀑導壑別塞引潏泚那顧衣線母
夜縫溼透衫襟到雙履夜篝翻熏達旦明還怕催讀睡不起老翁
歎息首屢回出涕如雨痛入髓同懷兄弟乃八人兩遭水厄先後
次仲氏銜哀蜀道回破淚乘風已峽裏夜半巾屈赴怒濤骨肉盡
爲蛟鱉毀第五垂老守田園遠出不過三百里雪夜棹過秀谿橋
其事卻因憐少子學繡塔下水不深因風翻覆身竟已天地生我
要有爲但憑忠信無涯涘否則步步踏危機尺水尺波禍如矢汝

曹各要念所生臨淡之戒毋少弛就傅坐誦凜古箴無益之戲從此止南河好景屆三春不窺乃是爲學始

紅鸚鵡

毛羽猶分隴樹紅畫欄西畔綵窗東丹砂擣就銜應慣絳雪歌成學使工若網珊瑚同燦爛俊鏤鞞鞞讓玲瓏皆因色取通人愛五色箋傳各社中

戊申八月二十有一日爲先子明忌統計生年已一百十歲

矣底圖設爵如在前圖首忽垂一螭子即俗云壁喜是也感成一律

此生真愧老萊衣悵望鄉關隔翠微孤負獻觴三閱戊先子甲戌十月二十

新安先集卷三

天

日辛幸教邊挂再相依身隨鳩杖成前夢饌進魚羹歎落暉底事蜘蛛垂兆道兒竟自險中歸

立春日作

臘盡風光劇可憐何殊作別更流連綵幡獵獵寒來嬾畫閣陰懶覺添笑把宿香供菜几看治新韭佐椒筵春風例不吹樗斨賺得閒情又換年

庭中玉蘭冒寒特放

冒寒玉樹一叢開倒映瓊英入綠醅替價現成遲夏減光華長足待何來但憑遠望凝雲肆若使高看儼月臺引得冬烘先竊笑不隨風氣稱心栽

花朝

二十四番風信多今朝
恰喜放晴和日高
茅屋衣方袂草軟沙隄
屐幾過沽酒市樓雙燕
翦尋春舞榭一鶯歌
愔芳情緒猶難免塵
劫回頭欲爛柯

村居

久厭繁華不入城
柴門啟處愜幽情
野花侵路離離影
谿水穿塍細細聲
蠶種將收聞燕語
稻苗未插叱牛耕
年來漸識農家事
擬著煙蓑老此生

新安先集卷三

三

